

## جايلك ياغربه

جايلك ياغربه تاني  
أکید حاتكوني أرحم  
اللي افكرته حبيب  
لوكنت اعرف الغيب  
راجع أعيش وحداني  
من ناس كتير جرحاني  
قايد في قلبي لهيب  
ماكنتش سيبت مكاني

### جايلك ياغربه تاني

راجع وقلبي حزين  
ونازل عالخدّين  
ودّعت خلاص دُنيتي  
على حظي وقسمتي  
ودمعي مالي العين  
ومافّيش عيون شيفاني  
وبصرُخ من حسرتي  
وحاجات كتير وجعاني

### جايلك ياغربه تاني

الحُب اللي بّكاني  
ورويته بّكل حناني  
ياخساره عمري راح  
مش مكتوبلي ارتاح  
كان عايش جُؤا كياني  
ضاع منّي ف ثواني  
مش باقي غير جراح  
ولا غربه مرّياحاني

### جايلك ياغربه تاني